

中興禮書

中興禮書第十一卷

吉禮十一

郊祀祭服

高宗紹興十年閏六月五日禮部狀據太常寺申勘會祀祭天地等行事初獻官依議合服八旒冕亞終獻并兵工部尚書並服六旒冕舊制初獻係執政或侍從官其亞終獻若係卿少郎官未服緋者本寺祭器庫以牙笏供納兵工部尚書未服緋者亦如之巡幸以來本寺既闕牙笏並執槐簡未稱祭服章教今相度欲權於祇候庫見管牙物內闕借供使祀畢送納本部欲本寺所申事理施行後批送禮部依所申施行

十三年二月一日閣門言正月二十九日詔將來大禮

依舊例應合服朝服並令服朝服如見在朝數少令申尚書省下所屬製造不管臨時闕悞

十一日禮部言准尚書省劄子勘會將來郊祀大禮其行事執事官合用朝祭服竊慮見在數少理宜預行措置付禮部開具見在并所闕數目申并閣門奉聖旨應合服朝服官並令服朝服如見在朝服數少令下所屬製造尋行下太常寺勘會取到祇候庫開具見在朝祭服可以充將來郊祀大禮行事執事官服著使用外止闕分獻官四旒冕八十五副欲乞令工部指揮文思院依數製造所有陪祠官合用朝服除宰執事從臺諫武臣正任已上有外其餘陪祠文武官合用朝服本等難以見得係屬御史臺閣門乞下逐處約度數目申請行

下所屬制造詔依

二十八日都省送下工部狀祇候庫申契勘見管七等朝服一百七十六副四品朝服一百七十五副並係文思院上下界造作累經大禮等支用色暗脫落比之近日御前造到朝服稜道裝釘不同兼祭服無旒冕係銅稜裝釘伏乞朝廷行下工部指揮所屬依倣近日御前樣制如法造作其祭服無旒冕亦乞依在京舊制用金鍍銀稜事件造作其舊朝服遇闕袞同支使所有祭服留充太常寺常祀使用內朝服獬豸冠乞依舊制簇造獬豸後批送禮部看詳申尚省書本部據太常寺申令看詳將來郊祀大禮應行事執事官合用祭服并陪祠官朝服已有上件指揮就用見在朝祭服數目外其祭

服稜道及朝服獬豸冠制度並不須別行改造及檢准
近降朝旨郊祀大禮合用儀仗法物祭器竊慮見管內
有暗淡不堪之數令所屬前期點檢修整雅飾並勘會
今來見在朝祭服內有色暗脫落名件本庫自合遵依
降朝旨前期檢計次第申請修整雅飾施行後批送禮
部依看詳到事理施行導駕陪祠應奉官朝服六百一
十三副第一等五副第二等八副等三等三十副第四
等四十副內獬豸三副第五等一百三十副內獬豸三
副第六等二百五十副內獬豸一十副第七等一百五
十副亞終獻行事執事官祭服四百二十副八旒二十
副內八副玉事件一十二副金鍍銀事件六旒一百二
十副四旒八十副內七副紫檀羅無旒二百副

四月十四日戶部大司馬寺言據抵候庫申契勘將來郊祀大禮本庫供進皇帝頭冠衮冕禮衣等自來係承降御札後檢舉申明排辦今據合行排辦事件下項一合於宿齋前期請降在幕次內安設排辦遇夜停留燈火熨貼并照管至時供進其合用幕次八間爟燭臺六箇席褥一副乞令儀鸞司預先於宿齋殿門外并逐處行禮殿及圓壇大次近便處釘設排辦內熨貼絳紗袍衮龍服合要潔淨席褥鋪設欲乞令臨安府製造黃羅新鮮緣席黃羅褥子一副朱紅漆狹矮床二各高一尺五寸長潤依席褥樣制造赴庫供奉使用其合用熟火乞令翰林司差人齎赴逐處幕次內掌管一合用薰撒生龍腦一十五兩乞下左藏西庫供納一照管熨

貼裁縫作二人腰帶作靴履作面花作頭冠作稜道作
雜釘作戎具作結作各一名乞下御藥院差如內有所
闕乞下思文院并軍器所貼差其合用頭刀報皇城司
照會赴逐處幕次內入出使用 一請降合用供內儀
鸞二十人乞下內東門司差撥挂擎輦官乞下御輦院
相度所用人數差撥其合用黃羅箱衣夾帕油帕黑漆
竹箱腰輿上紅絹靴肩褥子紅線條乞今臨安府換造
其供進接頭冠衮冕札衣大圭鎮圭鋪繅籍撒御道撻
頭冠匣御衣箱官乞下入內內侍省差 一供進通天
冠等匣二頭冠座子二裏托錦綠座子腰輿四行馬八
乞行下文思院添修易換詔依

隆興二年五月二十七日指揮內董撤龍腦省約作一

十二兩六月二十三日禮部言太常寺申契勘將來郊祀大禮所有樂正樂工掌事掌器引舞舞師合用法衣本寺具數預報祇候庫椿辦至期闕取服看如有闕少名件令本庫一面報文思院前期製造詔依

八月十三日禮部太常寺言今續參酌條具到申請事件一勘會已降指揮添造分獻官祭服八十五副其將來合添差贊者八十五人贊引所有合用緋羅寬衫八十五領介幘冠八十五頂勒帛八十五條乞從工部指揮文思院制造一契勘將來郊祀大禮同日合差官分命九宮貴神并分祭太社太稷有所行事官合用祭服乞就用見今常祀祭服供使內不足數目乞從本寺具數申工部行下文思院制造其常祀祭服如有暗

弊脫落名件亦令文思院添修雅飾一郊祀大禮比之
明堂擺辦事務增倍其添差祠祭官等合貼造絳公服
緋絹寬衫等乞下文思院貼造詔依

二十九日禮部言准都省批送下翰林天文局申檢准
大禮條諸本局司辰太史生手分共二十五人各緋羅
寬衫一領黃方號又條諸本局差剩員二人擔擎占書
袷黃長號每遇冬祀大禮所有本局司辰太史生手分
等合著緋羅寬衫係朝服法物庫請今領祗候庫稱契
勘所著緋羅寬衫自來不曾准所屬制造赴庫椿管本
局今乞令文思院條內數目制造并合帶勅號亦乞
令給散官司至時應副施行後批送禮部勘當申尚書
省據太常寺申今勘當欲依本司所申事理詔依

九月八日禮部侍郎王賞等言勘會今來郊祀大禮詣圓壇行禮日依禮經皇帝服大裘被衮謹按周禮王祀昊天上帝服大裘而冕檢會元豐詳定郊廟禮文何詢直議欲以黑繒創為大裘如衮唯領襖用羔詔有司制黑羔以為裘而被以衮議者又謂今古異宜若純用羔恐大裘重難服及裘成輕重纔與袍等工作皆被賜契勘今來所造大裘竊慮日辰已近工巧難如舊例今欲乞且依何詢直議以黑繒創為大裘如衮唯領襖用羔詔依祖宗制制

十月二十一日禮部言工部據將監織中權通判臨安府韓洙狀依指揮收買羊羔皮緣本府即非出產去處雖買到小羊羔皮染變到上件顏色欲乞看詳中與不

中使兼契勘闕西等羊羔係天生黑色毛長作圈今
來本府羔羊係白色其毛細短兼不看變染即未審合
將是何物色代充兼令大禮日逼伏乞指揮行下以憑
遵守製造本部尋下太常寺施行據本寺申勘會大裘
以黑羔皮製造今如來委實闕上件羔皮欲隨宜權用
黑繒為裘充代製造本部檢會元祐七年南郊大禮有
司欲為羔裘度用百羔哲宗皇帝以其害物用黑繒代
之今欲依太常寺所申事理下工部即速製造詔依
二十六日禮部太常寺言據祗候庫文思院上界申近
准指揮製造將來郊祀大禮朝服等闕門一百二十副
御史臺二百五十副數內衣服係屬下界製造外所有
梁冠今將闕門御史臺梁冠共三百七十副乞約度料

造下項六梁冠五頂內獬豸二頂五梁冠一十五頂內獬豸二頂四梁冠六十頂內獬豸五頂三梁冠二百二十頂內獬豸二十五頂二梁冠七十頂契勘所造梁冠道數若臨時有闕少梁道今相度欲乞令祇候庫陞降等第支借應奉詔依

十六年三月二十七日禮部言太常寺申勘會本寺樂工二舞服著頭冠法衣自製造到經隔歲月例皆顏色暗淡若將來充大禮應奉服著委是不堪今措置從本寺據的確合用數目報軍器所將樂工二舞頭冠法衣一料今祇候庫椿管專充大禮及非泛慶禮御前應奉服著常時不得支用將見今法衣專充常祀使用詔依四月四日上謂輔臣曰比降下祭服更令禮官考古便

可依式制造庶將來祭祀不闕

六月二十五日禮部狀太常寺申勘會今來郊祀大禮合行排辦事務與前次大禮事體一同詔並依紹興十三年已降指揮施行據祇候庫申契勘本庫朝祭服法衣等昨緣應奉大禮并大朝會經兩漬汚顏色暗淡乞下文思院差人赴庫交拔添修換造本寺契勘紹興十三年大禮合用朝祭服法衣係依都省批狀指揮送工部行下文思院添修雅飾換造今欲依紹興十三年批狀指揮施行仍乞朝廷責立日限令文思院於大禮前一切了畢劄付工部依所申施行

紹興十九年郊祀依十六年體例

十月七日禮部太常寺言准都省批送下工部申文思院下界所造祭服錦綬係用毬露川錦二百四十尺今

來左藏東庫見在止有建州織造到紅地上青花盤毬錦別無依樣川錦欲乞將建州織造到紅地上青花盤毬錦充代使用後批送禮部太常寺同共看詳申尚書省今看欲依工部申乞隨宜充代使用詔依

二十二年四月二十八日禮部狀太常寺申契勘今來大禮合雅飾大樂禮器等事件已行申請外今據祗候庫申契勘宰執使相文武百官合用朝祭服并應奉人及樂工二舞等法衣乞行申明令文思院上下界相視如法添修或內有不堪名件即乞換造數內朝服梁冠除御前降到之數乞令添修及修換造數外其餘梁冠例皆膠漆起剝乞創行換造並限大禮前一切足備應副本庫支借本寺契勘欲乞文思院官與本庫監官同

共子細相視如可以修飾即行修飾若內有委實損壞
即乞換送本部今欲依本寺所申劄下文思院依所申
施行二十五年郊祀修飾依此

二十八年六月二十四日工部申禮部狀為乞添修換
造祇候庫所管大禮朝祭服法衣等事後批送工部取
索看驗勘當申尚書省尋據將作監申委文思院監官
提轄先次逐旋取索到朝祭服共八十副法衣五十副
當官看驗各有漬污合行添修欲候今降指揮下日委
官一員逐一盡數子細看驗將看堪好數日令祇候庫
如法椿管內有委實不堪物件各行開具添修換造保
明關報以憑照應料造施行本部今勘當欲依將作監
勘會到事理仍委不干礙造作官軍器監丞前去躬親

取索看驗施行後批送工部依勘當到事理施行

孝宗隆興二年三月二十六日禮部太常寺言准正月一日詔今歲冬至當郊見上帝可令有司除事神儀物諸軍賞給依舊制外其乘輿服御及中外支費並從省約仍限一月條具以聞數內據祗候庫狀契勘本庫所管冠冕朝祭服並係宰執親王使相文武百官等行事服著並諸色人法衣等例各累經閏借服著年深漬汚破損內冠冕胎塑損動褻道脫落膠漆起剝緋阜履舄蠹依逐次大禮體例合行盡數修換雅今從省約欲乞朝廷指揮選委不干礙官將見管朝祭服法衣等逐一點檢如內有可以服著名件便不須修換其漬汚暗淡即令出染修整如委實破損不堪供使服著即令修

換候所委官點檢了當下文思院依此施行詔依五月十七日尚書省劄子差委軍器監丞點檢修換

七月二十五日禮部狀軍器監丞張之綱劄子為朝祭服真玉珠佩內二朶下璜二箇損壞乞以珉玉製造充代事後批送禮部勘當申尚書省本部據太常寺申尋取到祇候庫狀庫管真玉珠佩一十八副內二朶下璜二箇損壞緣每遇供送宰執使相朝服佩二朶祭服佩二朶若將來依舊例供送委是少闕二朶若止供送二朶與朝祭服珠佩通袞使用即無少闕今勘當若文思院以珉玉充代修整下璜二箇使用委得允當依本庫所申事理申部後批送禮部依勘當事理施行十月二十九日祇候庫申准睿思殿祇候李愿劄子奉

聖旨指揮祇候庫皇子鄧王愔慶王愷恭王惇將來大
禮合用朝祭服玉珮綬令祇候庫供見管真玉珮綬兼
專一椿管日後遇有行禮依此供納 乾道三年至淳
熙三年郊祀大禮所降修換雅飾朝祭服法衣等詔旨
及委官點檢並同隆興二年之制

中興禮書第十二卷

吉禮十二

郊祀大樂一 樂工供給附

紹興十三年二月十一日太常寺言準尚書省劄子勘會將來郊^祀大禮合排設登歌宮架樂竊慮見在數少劄付寺開具見管并合增添數目名件申尚書 一郊祀大禮依儀合用登歌宮架大樂名件除鑄鍾特磬見闕外今將在宮郊祀大禮并紹興十年明堂大禮參酌比附到合用數目如後登歌編鍾一架編磬一架 各事件全祝 敏二搏拊鼓二五色琴共一十一 三五七九絃琴各二 瑟四笛四塤二篪二巢笙四和笙四簫二七星九曜閏餘匏笙各一麾幡一 全 宮架編鍾一十二架編磬一十二架 各事件全

祝敔二一絃琴四三絃五絃琴各八七絃琴各十瑟二

十六巢笙一十四七星九曜閑餘匏笙各一簫一十四

等笙一十篪一十八塤一十二笛二十晉鼓一事件全

建鼓四事件全麾幡全一除本寺見管登歌宮架大樂

外所闕少數目登歌七星九曜閑餘匏笙各一宮架編

鍾二架編磬二架各事件全三絃琴四五絃琴四七絃琴

六九絃琴七巢笙八簫八篪十二塤六笛一十四等笙

十七星九曜閑餘匏笙三一同日合分詣大社大稷九

官貴神并前一日朝饗太廟同日分詣別廟合用登歌

大樂三副見闕名件數目編鍾三架編磬三架各事件全

祝敔三副各事件全搏拊鼓六五色琴三十一一三五六九瑟

六笛六塤六篪六巢笙六簫大一前項所闕編鍾編

磬并笙簫管笛琴瑟等乞下廣南東西路荆湖南北路
州軍剗刷除祝啟樂架重大不須起發外將其餘應有
管大樂盡數差人管押津發前來兼契勘昨來兩浙江
南福建州軍亦有未曾起發樂器琴瑟笙簫之類乞從
本寺移牒逐州起發赴寺使用若或內有關少之數及
不堪名件并祝啟樂架並乞令軍器所製造詔依
三月六日太常寺言契勘在京日樂工係召募百姓不
曾犯徒刑剪刺不係三路凶惡人充詔令依在京例召
募仍選擇畏謹有行止堪委仗人充

閏四月四日都省劄子工部狀軍器所添修雅飾創造
到大樂宮架名件已付太常寺候到日下交割令具下
項晉鼓一

笙座

子全

十字青獅子一十二脚踏三十二

創造赤馬

三白虎八犀牛八赤馬五白虎二建鼓四鞀鼓八龍頭額一十

六虛牙三十二頰柱三十二鼓斛六龍頭竿二十五花

牌一十六白鷺鷥四祝歆各一座子朱紅鼓竿子六脚

枕三十二方輪六圓輪六流蘇五十六內五味三十二

編鍾磬梅紅條一十六副結子生色額一十六道制道

雅色添綠匣一十二副剗付工部行下

二十八日禮部太常寺言准都省批下王貴等劄子竊

慮冬月不時雨降所有將來大樂除宮架樂排辦一料

外其登歌樂乞排辦兩料仍乞將登歌樂通作宮架之

曲免致臨時值雨般運不前詔依詳見祭器門

六月二十三日禮部言太常寺申契勘將來郊祀大禮

增添登歌宮架樂舞令契勘宮架大樂竊慮不測值雨

合用遮護油幕屋乞下儀鸞司差人絞縛臨安府應副
油怕椽索兼宮架內排設晉鼓等至日合用火炙亦令
儀鸞司置辦用畢即時拘收及樂工掌事掌器引舞舞
師并般運大樂排設晉鼓等至兵級等合用入壇殿勅
執欲乞從本寺具數報皇城司閱借候禮畢納送詔依
七月十九日戶部言准都省批送下禮部太常寺申契
勘將來郊祀大禮依近降指揮增添登歌宮架樂舞令
具申請事件下項後批送戶部勘當申尚書省本部令
勘當欲依所申事理施行 一郊祀登歌宮架二舞都
計四百四十人內除本寺額管三十九人外賞闕四百
一人 一分詣三祭各合用樂正二人執色樂正掌事
器三十六人三祭共闕一百二十四人 一契勘合用

樂正樂工掌事掌器共闕五百一十五人內將別廟樂工三十六人樂正二人番袞充太社太稷祇應及文舞武舞一百二十八人乞就用文舞六十四人番袞充武舞祇應其武舞人更不召收止闕四百一十三人一見闕樂正五人內郊祀大禮一名乞依明堂大禮例差本寺胥長充攝其分詣闕樂正四人今有昨大晟府樂師陸誠乞拘收充分詣樂正兼禮畢日後有不測同日兩處祠祭及非泛慶禮用樂亦合添置樂正一名今欲存留本人日後祇應所有請給並乞依樂正陳濟等見請則例支破外闕樂正三人內一名乞差本寺人吏充攝餘二人於額管樂工內選擇諳曉節奏人充所有樂工二百九十九人并排設掌管大樂掌器一十九人

欲乞並行拘收曾經應奉人如不足乞召募稍諳樂藝人其引舞色長二人并引文舞武舞頭共二十四人舞師六十四人昨遇大禮係借差鈎容直樂人充令未竊慮本處亦有應奉至時相妨欲乞並行召募 一契勘昨在京日額管樂工舞師分為三等請給多有產業鋪戶良善有行止百姓充依祖宗條法放免戶下行役今來郊祀大禮拘收召募到樂工舞師所有請給乞依明堂親饗例更不支破月給止每日各支食錢四百文自教習日支禮畢任支及令召官司係公人一名本寺樂正額樂工一名委保詣實即行收補外及乞止免夜巡差役 一契勘拘收召募樂正樂工掌事掌臨二百四十六人欲自六月一日教習其引舞色長文武舞頭引

武舞師共九十人并分詣樂工掌事掌器共七十六人

欲自八月一日教所貴樂藝精熟不致生疎

太常寺供

郊祀大禮合用登歌宮架大樂內宮架合用執色樂工

掌器掌事共二百三十四人今未易恐詣路州軍見起

事一大樂難得足備裁減乞于二百三十四人內除掌器

二人樞用令樂正均樞逐色祇應指擇詔依

下日本寺令樂正均樞逐色祇應指擇詔依

八月三日禮部太常寺言契勘將來郊祀大禮圓壇景

靈宮太廟及登門肆赦各合排設宮架大樂共四料每

料合用編鍾編磬各一十二架昨申請乞下外州軍取

發大樂等揆成一料依先降指揮令軍器所雅飭節次

據州軍申到編鍾磬等已及兩料今相度欲已據納到

大樂並送軍器所雅飾換合兩料番衮前項四處排設

使用詔依

九月四日禮部太常寺言勘會今來景靈宮殿庭比之在京地步不同其殿庭內係行事執事陪位官立班所有宮架樂舞欲乞趙那於稍南殿門之外以次隨地之宜排設所貴不致妨礙詔依

十四日禮部太常寺言令具申請事件下項 一契勘前二日朝獻景靈宮合於殿上排設登歌大樂欲乞於殿下排設宮架二舞相視得殿上地步難以排設登歌大樂欲乞於殿簷下添用樂床自東踏道至西踏道四丈南北潤五尺與殿階高位一同其樂床欲乞令軍器所制造抹綠候禮畢令本官椿管 一契勘前一日朝饗太廟同日為饗別廟依已降指揮其合排辦登歌樂並依每歲五饗禮例其別廟樂工並召募祇應番衣次

日赴大社大稷祇應除節次召募到人外尚有闕少人數今欲乞將太廟登歌樂工候禮畢番家徑赴別廟祇應即不相妨詔依

二十七日禮部太常寺言契勘昨紹興十年明堂大禮并朝獻景靈朝宮饗太廟用宮架樂舞於宮架内外至表竿各合用杙盆并祝啟前合用照燭内杙盆一十座

盆臺杙
燭全

并下臨安府排辦令皇城司親事官看覷纔候

禮畢即時洒熄所有照燭下兩浙轉運司造赴司送納今來郊祀大禮欲乞並依紹興十年体例施行詔依十二月二十三日尚書省劄子提舉劄子脩内司承受提轄申近承指揮令造古銅鐸一對令造作了當詔令降太常寺

二十六日禮部言都省批送下本部狀太常寺申契勘
今來郊祀大禮朝獻景靈宮朝饗太廟并登門肆赦逐
處各有大樂並是番宸排設竊慮般運致有損壞今欲
乞止令軍器所差工匠量行將帶頭兩物料隨行準備
修飾大樂及閱借入壇殿勅號綴帶照驗管押人員一
名裝鸞作二人裁縫作小木作釘鉸作漆作打磨作條
作各一名批送禮部更切契勘有無的確差撥体例指
定申尚書省本部下太常寺指定據本寺申自出京後
來遇大禮不曾申差今來郊禮增添大樂名件數多竊
慮般運損壞合行差撥欲依本寺申到事理施行詔依
已後郊
禮做此

十四年四月八日禮戶部言太常博士凌哲劄子奏竊

見通者南郊大禮嘗增募到樂工及二舞人教習各依精熟而于羽奠簋之器修飾亦備欲望睿慈申命有司稍加樂舞之數於新募人內量行存留逐時按習以備每歲大祠之用詔令禮戶部討論條具下項 一舊制每歲大祠合用登歌樂舞去處正月上辛祀上帝四月雩祀上帝五月夏至祭皇地祇九月辛秋祀上帝十一月冬至祀昊天上帝四孟月并臘饗太廟別廟一舊制額管樂工三百四十一人二舞遇祠祭例於教坊借差每祭用登歌樂工三十六人宮架樂工一百一十九人二舞九十人今來本寺見管樂工三十六人今准所降指揮除見管三十六人外比舊制合用宮架樂工人數更行減定每祭的確合用樂工二舞下項

宮架八十人

三人歌色八人笙項笛簫笙各四人琴瑟各
 二人編鐘編磬各一人鼓一十七人三
 二人掌器字四人二舞共九十人
 引舞執色二十人引文武舞頭四人二舞六十四人
 一每歲大祀合用登歌宮樂舞共一十次今來所添用
 樂工共一百七十三人欲乞將昨來郊祀大禮拘收名
 募到四百餘人於數內選試揀擇充填上件人數乞先
 次籍定遇有祀祭各令樂正教習務要精熟并召募名
 守闕五十人並依舊例與免本家夜巡差役 一今來
 大祀所用樂舞除本寺已有見用樂章外添用文舞退
 武舞進一曲欲乞令本寺報秘書省修撰 一舊制合
 用般運大樂兵級一百五十四人每季一替竊慮有妨
 教閱欲裁減止差八十人乞殿前步軍司每遇祠祭教
 習前期五日差發赴寺禮畢限二日發遣 一登歌合

差押樂太常丞協律郎宮架合差押樂太常卿協修郎
各一員今來大祀舉用樂舞欲乞依舊制差官於太常
寺輪差如闕國子監差又闕聽申吏部差待次官 一
每遇大祀用登歌宮架樂舞如遇值雨乞依例令登歌
通作宮架之曲行禮 一今來登歌宮架樂工二舞服
著法衣欲乞下祇候庫於祠前五日闕取赴寺應副服
著禮畢後五日送還詔依

十四年七月十三日尚書省劄子勘會大禮見闕玉磬
詔令太常寺據合用尺寸材料行下四川茶馬司計置
收買

八月六日禮部狀太常寺申取到樂正狀合用玉磬一
十六段其玉磬所定聲律係於玉厚薄取其聲律高下

黃鍾八分大呂九分太簇一寸夾鍾一寸一分姑洗一寸二分仲呂一寸三分蕤賓一寸四分林鍾一寸五分夷則一寸六分南呂一寸七分無射一寸八分應鍾一寸九分黃鍾清聲二寸大呂清聲二寸一分太簇清聲二寸二分夾鍾清聲二寸三分每段上濶四寸七分長八寸四分稍長一尺三分濶三寸五分更合於前項所厚分寸內各增五分臨時取聲今契勘所買真玉璫制造玉磬係是臨時碾造取其聲律竊慮買到玉璫或內有瑕紋夾石沙眼不堪碾造臨期難以旋行收買今相度欲乞行下四川茶馬司依連去國本數目收買外更量行收買七五段准備碾造施行所貴臨期不致闕誤伏候指揮劄下四川茶馬司依申施行

十六年六月十一日據都大

提舉茶馬司買劉玉赴太常寺交納准
尚書省劉子並送禮器局收管製造

十二月十九日禮部太常寺言准都省批送下太常寺
主簿兼權博士張晟劄子伏見大樂所用二舞內武舞
之飾以干配刀私竊疑之稽諸經傳無用刀之文在周
禮則司兵司戈盾皆言祭祀授舞者兵先儒謂授以朱
干玉戚之屬在禮記則郊特牲明堂位祭統皆言朱干
玉戚冕而舞大武文王世子言春夏學干戈先儒謂干
戈萬舞象武也皆無以干配刀者及詢諸樂工等乃云
紹興十年始復用二舞當日省記如此然則是時樂工
妄謬而禮官失不詳考之過也今按大晟樂書云武舞
八佾侑執干戈而進以金鼓為節晟欲望申朝廷下所
屬依禮圖改造戈以配干去刀勿用庶合舊制本部尋

下太常寺勘會去後據本寺申按周禮夏官司兵掌祭祀授舞者兵鄭康成謂授以朱干玉戚之屬禮記祭統言君執干戚就舞位大嘗禘朱干玉戚以舞大武樂記曰樂者非謂黃鍾大呂絃歌干揚也樂之末節也故童者舞之凡書傳所言舞皆用干戚明矣而今之武舞乃獨用刀於經傳無聞焉誠恐樂工省記之誤方當治定功成之時理宜改定然文王世子言春夏學干戈而終繼之以大樂正樂舞干戚釋者曰干盾也說文曰戈平頭戟也鄭康成曰戈矛戟也戚斧也揚鉞也大曰鉞小曰斧則戚與戈其名與制既不同則其義亦異今若去刀不用則理宜用戚以復古王者之制兼契勘今來改用玉戚合依禮經并三禮圖玉戚樣制本部今欲依太

常寺所申事理施行後批并錄白畫樣造禮部太常寺更切檢點討論如委無差錯申尚書省禮部太常寺今將三禮圖討論畫到玉戚樣制委無差錯欲乞令軍器所計會太常寺合用數目造作伏乞朝廷指揮詔依

中興禮書第十三卷

吉禮十三

郊祀大樂二

紹興十五年閏十一月二十三日太常寺奏准提舉脩
內司承受提轄王晉錫劄子奉聖旨指揮太常寺令開
具郊祀大禮祭饗天地宗廟等合用鍾磬樂架已有見
闕名件數目及磬實用長闊大小聞奏開具到下項

一紹興十三年郊祀大禮除無見管鑄鍾特磬外排設

登歌宮架大樂開座如後圓壇登歌金鍾一十六顆子架

事件全玉磬一十六段架子事件全綠色刷代真玉係宮架編鍾一十

二架每架一十六顆計架子事件全素編磬一十二

架每架一十六段計架子事件全素景靈宮太廟登

歌金鍾 玉磬宮架編鍾編磬數目與圓壇同內架子景

素太廟肆赦宮架編鍾編磬數目與圓壇同內架子景

一十二架每架一十六段各架子事件全係赤素一已

有編鍾八百三十四顆編磬六百二十九段赤素樂架

二十四架彩畫樂架二十四架 一見闕編磬一百八

十七段赤素編鍾編磬架子共二十四架事件彩畫編

鍾磬架子共二十四架事件鑄鍾四十八顆特磬四十

八段赤素鑄鍾特磬架子共四十八架事件彩畫鑄鍾

特磬架子共四十八架事件一磬實用長闊大小特磬

黃鍾為祖上股一尺五分長二尺三分大股闊九寸長

一尺一寸下各厚一寸六分約三寸臨時定聲係省記

到崇寧年大樂局製造大晟新樂尺寸 一宮架內合

設特磬一十二架黃鍾大呂大簇夾鍾姑洗中呂蕤賓
林鍾夷則南呂無射應鍾下閏一尺三寸長三尺六寸
上下厚六寸詔鑄鍾等令禮器局制造特磬令畢良史
優支價直收買

十六年四月四日禮部太常寺言奉旨令禮部太常寺
疾速討論景鍾制度申尚書省謹按大晟樂書黃帝有
五鍾一曰景鍾景大也鍾西方之聲以象厥成惟功大
者其鍾特大蓋黃鍾者樂之所自出而景鍾者又黃鍾
之本故景鍾為樂之祖而不常用唯天子親郊上帝則
立於宮架之中以為君用自齊宮詣壇則擊之以召至
陽之氣既至聲衆樂乃作祀事既畢升輦又擊之至齊
宮而止蓋天者群物之祖今以樂之祖感之則天之百

神皆可得而禮矣黃鍾之律九寸故景鍾之高九尺而九九之數寓於其間制煉玉屑以入銅齊取其精純音韻清越拱以九龍其下則寶鍾清聲子以承繼也其周則四清之鍾磬奠方隅以拱衛也龍簋鳴球間以風琴平時弗考風至則鳴賁天籟而本自然也聲氣之和以降瑞露唯積累脩德和氣薰蒸光明盛大之業格于上下始可作為景鍾郊見上帝九九相生其數無窮實為壽命無疆之應昔黃帝以指為寸大禹以身為度其制請以聖上君指三節為三寸三三為九以起律度徽宗皇帝崇寧四年命景壽鍾具載制作今省記到圖樣討論到事理伏乞朝廷詳酌指揮施行詔降付禮器局十五日上謂輔臣曰禮器局鑄造鍾須是聲和律乃可更

令禮官詳審若聲未和協未可以奉祭祀

五月十八日禮部太常寺言尚書送到給事中段拂等劄子禮部太常寺討論景鍾畫樣備奉聖旨指揮降付禮器局承續御前降到大晟樂書一冊并金字牙尺二十八量及太常寺少卿李周等所立碑刻大樂尺圖一冊付局參照今看詳尚書省劄子內禮部太常寺討論黃鍾之律九寸故景鍾之高九尺而九九之數寓於其間又看詳降到樂書所載景鍾者垂則為鍾仰則為鼎鼎之大中於九斛中聲所極九數退藏則八斛有一焉及將御前降到金字牙尺數內用皇祐二年製造大樂中黍尺點量太常寺見管黃鍾律編鍾一顆得高九寸相合今勒本局差到樂正黃孝忠并贊引使臣王彥能

等供到所造景鍾合依皇祐二年製造大樂中黍尺為
准取高九尺製造所有退藏斛數今勒令作鄭真供到
鍾高九尺若約度金分厚薄取應聲律退藏可容二十
斛數即不應古制八斛有一合若依古法造緣九尺之
高金分太厚委實難以取應聲律欲乞止依高九尺厚
薄樣制隨宜製造庶可約度聲律并再勒本局差到禮
直官樂正指說逐作人匠造到景鍾小樣并鍾架及所
設名件一副及再勒禮直官并樂正同共參詳本局節
次所承降到樂書尺圖等供具到今來所造景鍾玉磬
風饗鳴球大小尺寸并鍾架及一宗所設物件制度下
項 一景鍾合依皇祐二年製造大樂中黍尺為准造
作所有小樣伏乞申納朝廷繳進乞降付禮部太常寺

看詳如得允當即乞付局遵軌製造所有上件景鍾小樣謹隨劄子申呈伏望朝廷指揮施行 一景鍾依樂書合高八尺一寸并碣通高九尺以皇祐二年制造大樂中黍尺為準貼金製造今來小樣以十分為率取三分半造到高二尺八寸三分半并碣通高三尺一寸五分 一景鍾內合設寶鍾一顆用金鍍銅造內有球玉一顆直徑三寸五分用真玉造一景鍾架一座內梁柱額並用朱紅漆造枹欄座子並用黑漆造內塔腦上合用雕木行龍明金五彩鏤金裝雲朵全頂上合用金鍍銅座龍并雕木胎五彩裝鏤金座子全柱上合用雕木明金五彩裝鏤金纏柱龍并雲朵全額及座子並用貼絡鏤金雲鶴其雲拱用五彩鏤金造 一景鍾架周圍

合用名件依樂書內畫樣所載架子四壁各合設下項
名件今隨宜定到長闊制度內真玉磬一段長一尺七
寸闊一尺一寸厚一寸一分真紅絲線結子全金鍍銅
編鍾一顆口徑花紋依太常寺見管編鍾樣用真紅絲
線結子全飛鳳一隻用木胎明金隨宜制造樂玉珠結
寶蓋其玉磬風簪一副內真玉磬每副用七段各長四
寸闊二寸三分厚一分半寶蓋用樂玉珠子結造上用
白鐵錫小龍頭六箇並隨宜縷金裝一景鍾架上下
合用風琴九座並以竹木五彩裝用絃札繫造內四角
各垂一座座子上四角各隨宜設一座并景鍾內合設
一座一景鍾架上合設景鍾字牌一面牌頭碑帶並
以朱紅漆圍換行龍縷金裝造牌面用青地金字詔令

禮部太常寺看詳申尚書省禮部太常寺今看詳前項景鍾制度依得樂書合依禮器局所申以皇祐二年中泰樂尺為准制造詔依

六月十五日提舉脩內司承受提轄王晉錫劄子奉旨聖指揮太常寺將來大禮合用登歌宮架笙簫管笛樂器等依例令所屬如法添修造作

二十日給事中段拂等言契勘所造景鍾依降到樂書內合用鍾銘即未審今來制造合與不合依上件樂書內所載文制造承太常寺牒契勘今中興之時重新鑄造合別行立文書寫其撰文書寫合取自朝廷指揮詔特差宰臣秦檜銘生大德既定衆字短作樂暢天地之化以和神維茲景鍾首此衆樂天子專用諸禮祀有銘臣檜銘且書臣竊唯文德武功獨陰陽之暗而虞舜文明

之用心也漢之職蓋戰勝則踴躍兼懷則度宏不可使
後世無傳也夫銘天子令後臣紀蹟壽域兮孰內外存
百而獻銘曰德純兮舞文經蹟壽域兮孰內外存
上帝兮律茲器聲氣應兮同久視貽子孫兮彌萬世

七月八日尚書省批送下制造禮器局劄子契勘本局
依奉指揮制造將來大禮合用編磬一百八十七段特
磬四十八段見行計置石段催督人匠如法制造若將
來造成合行按試聲律今照得所造鐃四十八顆已申
畫到今年三月十四日朝旨就法惠寺同禮部太常寺
官按試其樂工等許於料次錢內量支食錢欲乞從本
局將造成編特磬並依例逐旋按試施行後批送局依
劄子內事理施行

十一日禮部言太常寺申契勘本寺樂工舞師係應奉
大禮大朝會及非泛慶禮用樂并逐時祀祭天地宗廟社

稷等處前期拘集在寺教習樂曲舞儀委是妨廢經營
昨在京日所招樂工舞師係免本色行役今來合用樂
工舞師應奉教習與在京事体一同欲乞並依在京体
例與本色行役仍乞下臨安府照會伏乞朝廷指揮詔
依

十八日權禮部侍郎游操等劄子契勘下項 一景靈
宮太廟圓壇登門肆赦并分詣別廟九宮貴神太廟太
稷共用樂正樂工四百一人其太社太稷今已建局壇
每壇各用樂正樂工三十八人除依紹興十三年所用
人數外見闕三十八人并合添景鍾樂正一名鐃鍾樂
工一十二人特磬樂工一十二人分詣太社太稷樂正
二人樂工三十六人已上添用六十三人通紹興十三

年所用人計四百六十四人 一將來郊祀大禮合用

大樂昨紹興十三年大禮將所闕大樂名色緣為未曾

制造遂急番宸使用今來制造禮器局添造逐處樂架

所闕下項乞令軍器所依樣制造建鼓八雷鼓二并事全

晉鼓一竿座全雷鼗二祝敔四副詔依八月八日尚書省

劄子奉聖旨禮器局候錫造禮器了日別制造編鍾仍

差太常寺官一員同共制造兼按協聲律

十三日秦檜進呈禮器局見造景鍾等候禮器俱畢乞

一併進呈上曰鍾磬音律其餘皆和惟黃鍾大呂未甚

應律更宜詳加考究

二十三日禮部言據太常寺申契勘制造禮器局見制

造將來郊祀大禮圓壇行景鍾一座深子事并造宮架

內鑄鍾四十八顆特磬四十八段

各事件架全

將欲了畢本

寺今相度欲乞就籍田司見今蓋造祭器庫側近今臨

安府修內司蓋造大樂庫屋五間安頓兼將祭器庫衮
同盛貯常祠排辦樂器內除太廟自有樂器庫外其景
靈宮合用大樂亦乞那容屋宇安頓并登門肆赦有所
大樂乞於本寺望祭齋宮內安頓兼應奉常寺祠使用
所有景鍾上弔掛緣係真玉事件乞津發赴太廟奉安
所安頓詔依

二十六日禮部言太常寺申契勘將來郊祀大禮合行
申請事件下項伏乞朝廷指揮施行 一將來郊祀大
禮合用金鍾玉磬二

祭事件

今將來欲制造畢工合要

安頓去處本寺今相度乞將上件金鍾玉磬二架并事

件候制造了日於太廟祭器庫安頓 一將來圓壇宮
架內合設景鍾并安設架子座了弔掛事件並係金玉
制造巧細之物昨來在京每遇安設係差搭材三十人
指畫般運安立弔掛今乞依例於脩內司差准備雅飾
小木作二人裝鸞作一名明金作一名條一名并搭材
三十人閑借入壇殿勅號 一契勘景鍾合用遮護幕
屋乞下儀鸞司相度絞縛詔依

九月二十四日給事中段拂等言太史局申依奉聖旨
選定進呈禮器等吉日下項宜用九月二十五日壬辰
吉十月二十戌戌吉即與國音並無妨礙詔用十月二

日 九月二十二日段拂等言今契勘造成禮器等
數目頗多所占排設地步闊遠欲乞就射殿進呈今
畫到合行事件下項 一至今未造到鐘特奏竊慮太常
寺合前期檢閱 一至日合行節次儀範欲乞朝廷行

卷十三

例皇帝御射起率裁侍從臺諫御史臺宗室卿監
官館閣並令起用武官正任刺史閣門檢會舊例進呈日
會舊例進呈乞依前項禮例一史閣門檢會舊例進呈日
看今來欲乞起觀看宰執侍從一史閣門檢會舊例進呈日
作樂畢皇帝起觀看宰執侍從一史閣門檢會舊例進呈日
從後依前項禮例一史閣門檢會舊例進呈日
歌泊假一日今來欲乞起觀看宰執侍從一史閣門檢會舊例進呈日
指揮進呈一日今來欲乞起觀看宰執侍從一史閣門檢會舊例進呈日
欲候唱排立時禮樂今來欲乞起觀看宰執侍從一史閣門檢會舊例進呈日
宮架之樂應舊降座再禮樂今來欲乞起觀看宰執侍從一史閣門檢會舊例進呈日
樂章別無應舊降座再禮樂今來欲乞起觀看宰執侍從一史閣門檢會舊例進呈日
曲樂章別無應舊降座再禮樂今來欲乞起觀看宰執侍從一史閣門檢會舊例進呈日
多損乃命翰林學士太常寺校會紹興十五年正月旦朝會三
宗正殿作新樂局依舊例奏萬福壽升殿旨樂器三年
日令制造禮器以備顧問候樂奏萬福壽升殿旨樂器三年
御前令太常寺立合人沈殿內分太常寺依已降指樂器三年
進呈令太常寺立合人沈殿內分太常寺依已降指樂器三年
部太常寺班直官取板手交割仍許出入南宮侯皇帝還
官畢百官班直官取板手交割仍許出入南宮侯皇帝還
并宮門往來擊一令太常寺檢會舊例進呈日
等處開門牌號擊一令太常寺檢會舊例進呈日
已下并樂工謝恩乞依前項禮例進呈日
樂工如并有推恩乞依前項禮例進呈日

十月三日有旨降下古銅鐸一隻付制造禮器局令依樣造二隻於大禮前了當二十二日有旨降下古銅鏡一柄并太常寺見管銅鏡一柄付制造禮器局參照樣制大小的中別造六柄於大禮前了畢

中興禮書第十四卷

吉禮十四

郊祀大樂三

紹興十八年五月二十五日尚書省劄子寧海軍承宣使提舉佑神觀邵諤申奉聖旨換造到登歌樂夷則玉磬一併并先取到登歌玉磬一副令申尚書省降付有司收管使用并黃絹複褥紅條結角槌兒朱漆匣蓋帕札脚條全劄付太常寺收管

十九年八月一日邵諤劄子奉聖旨見換造登歌玉磬令太常寺差樂正校定聲律十一月一日奉聖旨指揮太常寺換造到登歌玉磬已成可只今差人齎登歌金鍾并差樂工編鍾編磬色二人笛色五人校合聲律六

日有旨降到笛二十四管付太常寺收管應副大禮使
用

二十二年九月八日禮部言太常寺申契勘將來十一月十八日郊祀大禮前二日朝獻景靈宮本寺合排設登歌樂舞應奉今來景靈宮係創行修葺殿宇今相視得內登歌大樂依例於殿上安設即無妨外有宮架大樂係於天興等殿外門上內外安設四方合用地步各六丈今來外殿門入深二丈六尺相度乞將門外已南自滴水簷外不動踏道幫築南北長二丈五尺東西幫築與外殿門基階平齊隨宜共使五丈一尺及自接滴水簷搭蓋露屋安設宮架并合於水殿門裏排立二舞合安立表竿四條用石座子四箇各高二尺徑一尺五

寸於中心鑿窠子徑五寸透地面並乞下脩內司所有
塔蓋露屋乞下儀鸞司同臨安府絞縛候禮畢却行去
折詔依已後郊祀並依此

隆興二年三月二十六日禮部太常寺言奉詔今歲冬
日至當郊見上帝可令有司除事神儀物諸軍賞給依
制外其乘輿服御及中外支費並從省約仍限一月條
具以聞數內下項 一圓壇并前二日朝獻景靈宮前
一日朝饗太廟別廟及至日分詣九宮貴神太社太稷
合用登歌宮架樂器名件二舞引舞執色樂舞服著等
係事神儀物累經使用經隔六年並不曾修整雅飾今
來內有委實不堪使用名件乞依逐次大禮体例行下
所屬勘酌脩飾 一麗正門肆赦合用宮架大樂一料

昨明堂大禮軍器所交前去已行剗剝除去彩畫顏色緣於內廷宣赦不曾設用是致不曾修飾今來合行修飾詔依已後郊祀

五月十六日太常少卿兼權禮部侍郎兼權直學士院洪适言臣仰惟陛下踐祚以來務崇儉德始講郊丘之禮專以誠意交神明與儀衛下至官吏賜予率從撙節臣職在太常寺不容箝嘿竊謂古今沿樂金石八音不入時俗之耳故通國無有習其藝者而聽之則倦且寐獨以古樂用之郊廟爾昔者等工鼓負不應經法者孔光何武蓋嘗奏罷於漢前史是之今所用鼓吹警場諸工凡一千一百五十有九人有司已乞三分減一獨是肄習踵例尚存九十八日夫驅游手之人撻金擊石不

當律令顧亦安能使鳳儀而獸舞而所用日給之錢為緡一萬六千三百有零誠為虛費臣愚欲望聖斷只令肄習一月亦可以成身中節不至闕事殆省費之一端也詔依

二十六日禮部言太常寺申准近降指揮將來郊祀大禮所有圓壇并前二日朝獻景靈宮前一日朝饗太廟別廟并分詣別廟及九宮貴神太社太稷各合用樂舞係是事神儀物除大樂名件已降指揮下所屬修飾外所有節奏樂正係用五人登歌宮架樂工引舞二舞共用四百六十四人今來別廟懿節皇后一室係親饗行禮合用登歌樂正樂工今將分詣太社太稷樂正樂工內差撥祇應外其分詣分別廟安穆皇后一室依逐次

大禮例亦令番衮祇應更不添置人額今來樂工二舞除見管外見闕一百六十餘人舊例教習九十餘日今准近降指揮止肄習一月若行盡數召募新人竊慮難以教習兼各係御前應奉其見闕人欲乞拘收曾經應奉慣熟之人赴寺應辦教習行禮如有不足乞行召募有行止之人召保識收補其支破食錢乞報糧料院依二十八年郊祀大禮體例支破就本寺歷內於行禮前批支散伏乞朝廷指揮詔依

九月五日太常少卿兼權禮部侍郎兼權直學士院洪适奏臣勘會郊祀大禮依逐次典故儀丈鼓吹內鼓吹已赴警場振作所有禮畢車駕回鑾道引振作亦合用軍樂端門肆赦所設宮架係合用雅樂燕樂不同難以

一例不用詔依

十九日禮部言太常寺申太常少卿兼權禮部侍郎兼權直學士院洪适劄子奏臣伏覩紹興二十八年郊祀用儀仗一萬五千五十人鼓吹警場一千一百五十九人八音二舞樂工四百五十九人近降指揮儀仗人減半臣前曾申請鼓吹警場人已三分減一舊例樂人及鼓吹警場人肄習九十八日臣又曾具奏減作一月所有樂工凡二百六十人太常有籍三十六人有月給錢糧所闕一百六十六人旋行招補至肄習之日支食錢四百文尚有招未足人數緣竄名籍中可以規免臨安府行鋪戶役不無計喁之弊臣再行研考除登歌壇上樂四十八人二舞九十人不可減外壇下宮架二百七

人今欲減省六十七人凡琴二十人十人可減瑟十二人六人可減笙二十人四人減可簫十人六人可減笛二十人八人可減篪十二人六人可減塤十人四人可減歌二十人四人可減鍾磬四十八架十六架可減分詣九宮貴神太社太稷一百十四人四十五人可減既減免得以省費而於事神之禮初無所闕更乞聖裁詔量減人數本寺今將壇下宮架鍾磬依舊排設四十八架所有樂工於宮架二百七人內量減閑慢樂色二十人并分詣九宮貴神太社太稷一百十四人內量減三十人可以事人排設祇應不敢闕事伏乞朝廷指揮施行詔依

舊用樂工三十六人庶幾不損祀部勘當申尚書省按太常寺

申今勘當依送官所乞事理本部欲依施行
勘當列事理後批送禮部依勘當列事理依施行

十二月十日國子博士兼權太常博士芮燁劄子准已
降指揮郊祀大禮改用獻歲上辛所有應合行事件仰
有司疾速排辦施行今契勘樂工二舞係用四百十四
人舊例教習九十餘日今次上肆習一月自十月四日
至十一月十二日五十餘日止支破一月食錢了事當
今來合再行教習習儀及五使按習等係樂曲共一百
三十曲竊慮放散日久樂曲生疎其樂工除三十六人
有錢糧外其餘並是無錢糧百姓今再行教習半月餘
日欲乞量行支破食錢十日合取自朝廷指揮劄付太
常寺依所乞事理施行

乾道三年至淳熙三年郊祀大禮景靈宮太廟圓壇麗

正門下排辦登歌宮架大樂及合用樂工二舞執色人數等並如逐次郊祀大禮之制

乾道六年十月十一日臨安府言承修內司提轄閔裡白劄子得旨宣諭將來郊祀大禮令用衙前樂人依紹興二十八年已前體例作樂導引合行事件令照列排辦本府照得舊例用鈞容直三百三人內三十一人充駕後馬隊樂合用馬於殿前司差借今欲共用三百人更不差馬舊例於殿前司差排樂五十人今來本府見有和顧排樂四十人不湏差借取其樂人除頭帽樂器腰帶外有衣服今欲報祇候庫閔請候了畢發還內人員黃獅子纈衫緋羅盤鵲背子束帶及樂人等合帶勅白獅子纈衫緋羅盤鵲背子帽子腰帶執隨身器樂鈴

轄所人吏方勝練鵲夾衫帽子腰帶及樂人等合帶初
入壇殿就本府欲報行宮司閤請候了畢發納其回鑾
樂人等合戴花內人員四朶長行二朶本府欲制造應
副所有宿齋日樂人並各在家止宿架詣景靈宮日不
作樂於宮前起居次赴太廟前起居至晚於側近止宿
青城宿齋日於青城門外起居至晚於皇城門外側近
止宿至四更入皇城門趨赴排立舊例鉤容真係於皇
城門裏止宿今來係和顧樂人欲令於皇城門外側近
止宿詔依

淳熙十二年十月二日太常寺言檢准淳熙九年大禮
五使按雅樂及嚴更警場於貢院今後令將樂器等於
貢院依堂上堂下儀制排設五使及應赴官從旁立觀

按試仍聽往來巡視候禮畢逐幕次賜酒食今來郊祀
大禮依議設登歌之樂於壇上稍南北向設宮架於壇
南內壝之外將來五使按雅樂及嚴更警場合遵依前
項已降指揮排設按試施行詔依

中興禮書第十五卷

吉禮第十五

郊祀樂曲樂章一

紹興十三年六月二十三日禮部言太常寺申將來郊祀大禮合用樂章乞從本寺具合用曲名節次申學士院修撰降下教習詔依續准降下郊祀大禮并前三日朝獻景靈宮前一日朝饗太廟登門肆赦樂章

景靈宮

皇帝入門宮架奏黃鍾宮乾安之曲

維黃皇姑齊庭居林承庭神姑其南初林顒庭顒休昂
昂姑龍姑步太雲南趨林華黃光南燭黃如姑精黃
明南之太符黃注林茲南酌應茲南神南人姑用太孚

黃

皇帝升殿登歌作大吕宮乾安之曲

帝大既仲臨林饗仲龍無馭仲華夷耀大孝仲孫無承
林之夷降林降仲在大廟夷誠夷意大上仲交無慶夷
陰無下夷冒仲天黃休無駢林至仲千夷億無克夷紹
太

降神宮架奏太安之曲六變發祥流慶之舞

園鍾為宮三奏

德夷惟林馨南香林升黃聞無八夷方黃粵夷神林從
仲之夷燦夷然仲有無光黃驕大飛黃乘南蒼林秋無
秋林鎗無鎗黃須南搖林從黃容無顧黃子林不仲忘
夷

黃鍾為角一奏

樂章同前

姑南應南黃南太黃應南
林應南林姑南林黃林廷姑
林南黃姑廷

太簇為徵一奏

樂章同前

應南
應南
應大
應大
應南
應大
應南
應大
應南
應大
應南
應大

應走市

姑洗為羽一奏

樂章同前

大夷大夷無夷大夷無夷大夷無夷
大夷大夷無夷大夷無夷大夷無夷

皇帝詣聖祖位奉玉幣登歌作大呂宮靈

安之曲

玉太氣仲

如無虹夷豐林繒夷允林筍仲既仲奉夾既

夷將無亦

黃真大在夾位中有夷來仲羣無后夷寶林

相
仲
祀
夾

事仲何大以無臨夷下仲心無意仲不失貳

大

尚書奉饌宮架奏黃鍾宮吉安之曲

瓊黃琚姑鏘應鏘南元應衣南繡終裳林薦姑嘉林升

南香林采應盛南芬終芳姑禮林儀南莫黃愆姑鼓林

鍾南嚶黃嚶曾應孫南之林常南綏南福姑無太疆黃

皇帝詣聖祖位酌獻登歌作大呂空祖安

之曲

裴大徊大若林留夷靈黃其無有夷喜仲薦林我夷馨

黃香無挹仲茲無酒夷醴大我林祖仲在夷天無執林

道仲之無紀夷申林佑仲無黃疆無奉夷神無稱夷禮

大文舞退武舞進宮架奏黃鍾宮正安之曲

進黃旅姑退黃旅大載姑執林干應戚南不黃愆南于

太儀黃容應服南有起赫林式延妥姑式南侑林神應
保南是太格姑靈林鑒姑孔南昭林孝太思姑維林則
黃

亞獻宮架奏黃鍾宮冲安之曲降真觀德之

舞
終取

五黃音姑飭南奏林神南既林億黃康姑其南容應與
南薦黃此林嘉廷觴姑有林來南顯廷相林銷黃玉南
銷太銷黃奉太承姑若黃宥林岡南不姑齊太莊黃

皇帝飲福酒登歌作大呂宮報安之曲

於大赫夾大大神夷總夷司仲元無化夷監夷我無純
仲精夾威黃光無來夾下大延黃昌無之林貺仲千夷
億仲馮無藉夷曾夷孫無保大之仲丕林平仲是天牙

大

尚書徹饌登歌作大呂宮吉安之曲

洋大洋夾降仲臨夷肅林肅仲布夷列無熙黃事無既

仲成夷嘉夷遵仲告夾徹大九夷天仲儲黃慶無垂林

佑仲無夷缺無浸仲明夷浸夫昌仲縣仲介夾徙大

送神真宮架奏園鍾宮太安之曲

高夷飛林安南翔林持黃御夾陰仲陽夾幽林贊無園

夾黃監仲觀林四無方黃元太精黃回南復林奄無

虞林孔黃饗無畢南觴無降夾嘏林偃太蹇黃于仲驤

夾

皇帝詣望燎位宮架奏黃鍾宮乾安之曲

夾黃夾姑原應祠南有林嚴南瑟太祀黃禮林儀南孔

宣林燔南燎姑斯大暨黃帝林心南肅太祗黃天應
步黃旋姑止姑熙太事黃既姑熙太事黃既姑成南永
林膺南蕃太祉黃

太廟

皇帝入門宮架奏無射宮乾安之曲

於無皇南我無后仲祗林戒仲專黃精無齊南肅林有
姑客仲祖姑考大是仲承無造太次仲匪林懈仲孝仲
思林純黃誠無神南聽林有姑格太福大祿林來黃寧
無

皇帝升帝登歌作夾鍾宮乾安之曲

肅夾哉無清南宮林煩無珠林照黃幄夾神南之林來
無思黃八大音黃振夾作仲赤仲烏夾龍無章林奉仲

玉林維仲恪交匪無今林斯黃今無先黃民林時仲若

皇帝盟洗宮架奏無射宮乾安之曲

於無皇南維無后仲觀仲盟林之南初林精太意太昭
林著仲既林順仲既林愉無圭林毫仲承姑祀仲卿無
士大咸南趨林目姑視仲心姑化太四太方仲其黃孚
無

迎神宮架奏興安之曲九變文德之舞黃鐘
為宮三奏

渭黃選姑休林成南祖南考姑是太饗姑夙南夜黃專
姑精太求黃諸南愜太恍黃洋南洋林在黃上姑惟應
神南之經仰林毫太矣黃清經明姑應太之姑如林響

大呂為角二奏

樂章同前

仲無仲大夷夷仲夷無無天仲無大無夷大無林仲黃

大簇為徵二奏

樂章同前

夷大從夷應南夷從夷應南夷從夷應南夷從夷應

奉俎宮架奏無射宮豐安之曲

來

點相
仲于南庭林鳴南銷林鏘黃鏘無奉無牲黃而

五

告林登大彼林彫黃房無非南牲林之姑備仲民姑

店

太是什康林神無依林民始聽太上仲帝休斯黃皇

皇帝詣僖祖室的獻宮架奏無射宮基命之

樂舞

何無慶大之南長林實林兆仲于黃商無由南商林大
始戊仲子林孫仲其黃昌無皇南基無成南命林宋林
道仲用林光無貽南厥林孫始謀仲膺無受太四仲方
無

樂舞

上無帝南監仲觀林維林仁仲是林依南繼姑世仲修
南德林皇黃心無顧黃之太其太顧黃伊太何無在太
彼仲冀林方南施無于林孫始子太降仲福林穰黃穰
無

皇帝詣宣祖室酌獻宮架奏無射宮天元之樂
舞

昭無哉太皇南武林駿仲發林其黃祥無彫太戈黃圭
無璚太盛太烈仲載林揚無天始錫太寶林符仲俾黃
熾無而黃昌太神無聖林應始期仲赫仲然林垂黃光
無

皇帝詣太祖室酌獻宮架奏無射宮皇武之

樂舞

猗無歟南皇無祖太下太民仲攸林歸仲膺南帝林之
始命太龍林翔仲太始微仲戎無車林雷黃動無天始
地仲清南夷林峨無峨林奉仲璋南萬仲世無黃黃違
無

皇帝詣太宗室酌獻宮架奏無射宮大定之

樂舞

煌無煌無神無武太再仲馭林戎黃軒無時姑惠南姑
始土太旋南定林太仲原南車黃書無混黃同太聲無
教太布仲宣林維林天仲祐姑之仲億太萬仲斯黃年

皇帝詣真宗室酌獻宮架奏無射宮熙文之樂舞

於無皇林真黃宗太體南道林之黃崇無遊南心林物
外太應姑迹大寰林中仲四太方林既仲同無化南
民無以南躬林清無淨林無姑為太盛仲德林之黃容

皇帝詣仁宗室酌獻宮架奏無射宮美成之樂舞

仁無德大如南天林徧仲覆林無黃徧無功姑濟仲九
姑有太恩仲函太八南埏林齊南民無壽黃康太朝無
野太晏仲然林擊姑壤大歌林謠仲四太十仲二林年
無

皇帝詣英宗室酌獻宮架奏無射宮治隆之

樂舞

噫無我太太仲君林嗣太世仲修林文無維黃文無維
太武黃謁仲繼林虞黃勲無天南錫林丕姑祚仲施南
于林後仲昆無於姑薦太清林酤仲酌仲之林欣黃欣

皇帝詣神宗室酌獻宮架奏無射宮大明之

樂舞

烝無哉林維姑后仲繼太明林體仲神南憲姑章林文

姑武仲宜無民黃宜無人太經姑世太之林道仲功林
格仲于黃天無子無孫黃嚴無祀林無無窮林之黃傳
無

皇帝詣哲宗室的獻宮架奏無射宮重光之
樂舞

明無哲太煌南煌林照太臨仲無林彊無丕南承林先
姑志仲嘉林靖仲多黃方無朝姑廷太尊林榮仲黎廣
庶無樂黃康太珍姑符仲來南應林錫仲茲林重黃光
皇帝詣徽宗室的獻宮架奏無射宮承元之
樂舞

聖無考太巍南巍林光南紹林丕黃基無禮太隆林樂
姑備仲時黃惟無純黃熙太天姑仁仲兼林覆仲皇南

化林無黃為無功姑成仲弗姑處太心太潛無希黃夷

文舞退武舞進宮架奏無射宮正安之曲

作無樂黃合無祖林荀南簾林在仲庭無衆仲奏太具

仲舉林肅太雍黃和無鳴林神南靈林來黃格無庶姑

幾林是姑聽仲繳黃繹無以黃終太永林觀仲厥黃成

無

亞獻武功之舞宮架奏無射宮正安之曲

威無神林在無天太來南格林于黃誠無既太載仲清

南酤林有黃聞無如黃聲太相太子仲照林事仲時無

賴太宗南英林肅無肅林雖姑雖太允林協仲思黃成

無

終獻武功之舞宮架奏無射宮正安之曲

疏無冪仲三舉林誠太意林一無純無熟姑陪林予

姑祀仲公姑族太振林振仲明南靈無來黃娛太樂南

舞林具仲陳林奉仲神林祈姑祐太昭林孝仲息黃民

無

皇帝飲福酒登歌作夾鍾宮禧安之曲

赫夾赫夾明南明林德林與仲天黃通無施太于黃孫

無子林福無祿林攸仲同夾日夾靖黃四仲方林民無

和林年黃豐無有南秩無斯南祐林申夾錫黃無仲窮

夾

徹豆登歌作夾鍾宮豐安之曲

歆夾我無齊南明林威無德林如仲存夾牲無牲黃是

夫饗林圭無玉林其黃溫無羣夫公黃執林事仲亦無
既林駿無奔黃禮南成無告夫徽林委太福黃黎仲元
夫

送神宮架奏黃鍾宮興安之曲

神黃之林來庭存姑風林馬姑雲南車林奄應留南放
庭悲林顧林瞻南歛姑獻太神林之南還太歸黃鈞應
天南帝黃居姑監太觀姑于南下林何南福姑不大除
黃

皇帝還大次宮架奏無射宮乾安之曲

神無明黃既仲交林恍仲若林有黃承無欽無翼林齊
太莊黃福南祿林具仲膺無王南業林是姑興仲祖黃
武無是黃繩太佑太我林億姑年仲以太莫林不黃增

圓壇

皇帝入中壇宮祭奏黃鍾宮乾安之曲

帝黃出姑于南震林巽太惟姑齊應明南律林曰南姑

姑洗太以黃示南潔太清黃我應交南于維神姑蠲太

意姑必南精林既黃盥姑而往姑祈南監姑斯太誠

黃

降神宮祭奏景安之曲六變文德之舞園鐘
為宮三奏

陽夾動黃黃南宮林日無旋林南仲極夾天黃門無蕩

林百仲神林受黃職夾爰無熙黃紫夾壇黃煩黃黃林

珠仲色夾神太哉黃沛仲來林蓋仲親林有仲德夾

樂章同前

姑太應南應南應姑林南黃姑林姑林南姑
應南黃姑南林應南姑林南黃姑林姑林南姑
林應南姑林南黃姑林姑林南姑

樂章同前

應太
夷太
南夷
姑難
難姑
應難
南應
大南
應太
難夷
夷夷
大夷
應夷
夷南
南難
難太

樂章同前

大夷無夷大
無夷夷大姑
無夷夷大姑
無夷夷大姑
無夷夷大姑
無夷夷大姑
無夷夷大姑
無夷夷大姑

皇帝升壇登歌作大呂宮乾安之曲

因大吉

為林壇什屹無然什而夷崇大其黃圖無自

林然夷以

象無高夫穹大無無曰大在夾上仲有夷

感 仲
必 無

通夷陟大降無從林之什福無祿什永夷隆

大

皇帝詣昊天上帝位尊玉幣登歌作大呂宮

嘉安之曲

倉大璧夾禮大天夷幣夾放仲其無色夷奉黃以大奠
夾之仲帝位在夾北夷極無求夾之大以無類夷遠大
無無不林格仲非夷天仲我夷私無佑仲于無一夷德
大

皇帝詣皇地祇位奠王幣登歌作應鍾宮嘉
安之曲

至應哉大坤夷元從乃應順大承應天夷我夾今從禮
夷之應玉夾帛大榮夷然仲父仲天無母天地從子夷
在從其大前應並夾祀大顧夷饗從百夷世從可夷傳
應

皇帝詣太祖皇帝位奠幣登歌作大呂宮廣

安之曲

明^大明^仲我^夫祖^仲克^長配^仲彼^無天^夷神^大武^無開^林
基^仲不^夷殺^仲而^無全^夷惟^黃此^無寬^林仁^仲帝^黃
意^大謂^夷然^無子^夷孫^大保^無之^夷於^無萬^大斯^夷年^大

皇帝詣太宗皇帝位奠幣登歌作大吕宫化
安之曲

太^大宗^夷繼^仲明^夷廣^大文^無之^林聲^仲威^夷武^仲所^無
使^夷四^夷方^無底^夷平^大亦^黃克^黃配^夷天^仲基^林
命^仲有^無成^夷二^黃后^大受^夷之^仲維^無德^仲之^夷行^太

皇姐宫架奏黄鍾宫豐安之曲

玉黃帛姑既林陳南犧南牲姑登太俎黃匪應牲南博
繼碩林民南力黃周姑普太帝太顧姑下林民南庶應
無南疾太若黃欣應然南居繼敬姑而林豈姑其太吐
黃

皇帝詣昊天上帝位酌獻登歌作大呂宮禧
安之曲

時太邁夾其林邦仲欽夷哉無肇太祀夾嘉夾薦大美
無芳夷酒黃多無且夾旨大丘林澤仲一無祠夷神黃
明無彰夾矣大侑夷以仲祖無宗夷咸無報仲本夾始
大

皇帝詣皇地祗位酌獻登歌作應鍾宮光安
之曲

天應惟夷下太際夫地夫乃大上行應二終氣夷感
應通夷物應資夷以大生居六夫子大輔夫之仲百夫
穀應用大成無為大此應旨醴酒夫以夷薦應忱誠誠
應皇帝詣太宗皇帝位酌獻登歌作大呂官彰
安之曲

猗大歟大烈林祖仲聽無明仲齊夷聖大德夷合無于
夫天大誕大膺無駿夷命仲肇黃造大區仲夏夫撥夷
亂仲反無正夷克大昌無厥林後仲世夷篤無其夫慶
大

皇帝詣太宗皇帝位的獻登歌作大呂官韶
安之曲

惟大我仲太夷宗仲則林友仲其無兄夷卒黃其大伐

仲功夫以夷至仲遠夷衡無誕大敷史文林德仲偃無
武林銷黃兵無曾大孫無篤林之夷永夷觀無厥夷成
大

文舞退武舞進宮架奏黃鍾宮正安之曲

天黃剛姑而南武林地太成黃於黃皇南祖黃宗姑克
林配姑天南地林奏大舞姑象林功南一應張南一大
弛黃

亞獻武功之舞宮架奏黃鍾宮正安之曲
終獻同

陽黃丘姑其南高林神應祇南並大位黃歌林吟南青
太黃黃嘉應虞南有弘喜姑濟太濟姑多南士林相黃
予南堅大祀黃用太申姑肅林觴南以南成姑熙大事

黃

皇帝飲福酒登歌作大吕宮禧安之曲

八大音無克林詣仲降仲神無出夫祗大風黃馬大雲

仲車夷陟林降仲在大兹夫錫無我大純無嘏夷我大

膺無受夫之仲布夫為大皇仲澤夫遠夷及無無夫涯

大

徹豆登歌作大吕宮韶安之曲

蕙大栗仲既夷純無染無盛仲亦夫潔大于夷豆無于

黃登無靡林不仲陳無列夫禮夷已無告大成仲靈無

饗仲且無悅夷何黃以無示大虔仲不無遲仲廢夷徹

大

送神宮架奏夾鍾宮景安之曲

九史重黃洞仲開林靈無初林來仲游夾臨無我黃中
夫壇黃須黃搖林淹仲留夾來太如夾風仲駛林去無
若林雲黃浮無鴻南垂無思南惠林永太孚黃于仲休
夫

皇帝詣望燎位宮架奏黃鍾宮乾安之曲

謂黃天姑蓋大高姑何應以南達太之黃思林求姑厥
南路林惟應以南類姑推我林燔南斯姑柴太煙黃
氣南上黃躋姑誠林與姑之南俱林降太我姑純林禧
黃

皇帝詣望瘞位宮架奏太簇宮乾安之曲

謂太地龜蓋姑厚太積南陰南而應成南山夷川龜鬼
夷神應皆應地太之姑靈太求太之龜以應類夷亦南

岡應不姑寧太工大祝從臨大瘞應達南此應專姑精
太

皇帝還大次宮祭奏黃鍾宮憩安之曲

泰黃元姑尊南升林媼南神姑靜太息姑禮黃儀南既
從備姑筮林鏞姑亦南寂林已典事南言太還黃和應
氣南充從溢林福林美姑始南興林時南萬黃時太億
黃

皇帝回鑾將至采茨宮祭奏黃鍾宮乾安之
曲

星黃影姑踈應動南霜南華從淡姑薄從六林龍姑方
南馳林吾應知南所典樂姑歸黃望南端太門黃曰應
光南耀黃燦姑湛太恩姑汪南藏林四姑海從咸林若

黃

皇帝升御座宮架奏黃鍾宮乾安之曲

大黃孝姑備黃矣太郊姑祀林配姑天南昊黃天南子
太之姑惟黃以南永太年黃上太鴨黃九姑垓太下太
沂姑八南埏林御姑茲從端應門南湛姑恩從沛林然
黃

皇帝降御座宮架奏黃鍾宮乾安之曲

盛黃德姑休應明南溥應率南兼太臨姑受從帝林之
南社林翼應翼南小太心黃歸應坐南宣太室黃何南
念黃之從深姑惟林此姑嘉南慶林匪南今姑斯太今
黃

十六年七月三十日都省批下權太常博士駱庭芝劄

子竊觀樂章數內有酌獻登歌之曲云時邁其邦欽哉
肇祀謹按爾雅曰肇始也故詩曰后稷肇祀又曰緝熙
文王之典肇禋昨紹興十三年初行郊禮故章稱肇祀
若曰欽哉禋祀即樂章可以通用批送禮部看詳申尚
書省據太常寺申看詳肇字若改作禋字委是詞意和
協欲依本官所乞本部今看詳欲依本寺看詳到事理
施行後批送禮部依看詳到事理

十一月十日郊祀大禮時新造景鍾成皇帝自端誠殿
升大輦宮架撞景鍾至大次降輦止行禮畢皇帝自大
次升輦宮架再撞景鍾至端誠殿降輦止其樂曲樂章
同十三年

十九年二十
二年並同

二十五年八月十七日禮部言臣僚劄子奏臣仰惟陛

下以至德要道臨御天下仁民受物靡不用其至是以
天應休祥祖宗流慶故靈芝產於廟楹瑞麥秀於留都
以彰至治馨香感于神明斯太平之盛億萬年無疆惟
休之符也臣竊謂宜如漢齊房之歌制為樂章登歌郊
廟予以答揚神貺顧不遑歟如臣言可采伏望聖慈特
降睿旨詔有司施行詔令禮部看詳申尚書省據太常
寺申檢會國朝乾德六年十月二十七日和峴言國朝
合州建瑞木成文馴象由南方自至秦州獲白鳥黃州
獲白雀並合播在筦絃薦于郊廟詔峴作瑞文馴象玉
鳥皓雀四瑞樂章以備登歌本寺今看詳臣僚所請依
得前項典故欲乞下學士院將來郊祀大禮圓壇景靈
宮太廟所奏樂章內添入修制施行本部今看詳欲依

太常寺看詳到事理詔依

二十九日權尚書兵部侍郎兼權直學士院沈虛中劄
子恭依指揮修制添入登歌樂章謹具如右前批送禮
部

景靈宮升宮

帝既臨饗龍馭華耀孝孫承之陟降在廟莖穗發祥日
欽迎導天休滋至千億克紹

太廟升殿

清宮鴻都元精回復靈芝熒煌來牟率育惕然省思降
爾景福有慶孝孫同仁草木

圓壇升壇

帝靈臨崇壇媼神其從況施鼎來昭明有融靈華曼茂

麥秀穎同作我太平受報收功

二十八年七月五日禮部准紹興二十七年十月十四日敕節文臣僚劄子奏伏觀太常所用樂章第其篇叙則有詳略之不同稽之文義則或違牾而弗協三歲之親祠四時之常祀率用此也恭惟真宗仁宗實始親制薦饗樂章欲望詔通臣取凡太常樂章更定篇次標別部分具以奏御陛下萬機之間用列聖故事擇宗廟郊禘親祠所用馭發睿思肆筆而成其餘分命大臣與兩制儒館之士一新撰述哀為一書下之太常以俟來歲郊見奏焉詔令禮部學士院看詳續准二十八年二月四日工部侍郎兼直學士院王綸奏欲將今來看詳郊廟樂章先令禮部等處看詳改撰訖然後付臣看詳改

撰詔依本部尋取到太常寺見用樂章逐一看得篇
叙有詳畧之不同文義有違悞而弗協依得臣僚奏請
合行更定外其恭請御制及下大臣等分撰檢會國朝
會要委有故事除每年常用樂章係儒館修撰緣昨來
已有臣僚奏請陳乞依景德故事修纂正辭錄其上件
樂章即合與正辭錄一就更定制撰外今將郊祀大禮
前期朝獻景靈宮朝饗太廟并圓丘樂章欲依國朝典
故恭請御制及分委儒臣修儒今具下項伏候指揮

景靈宮

聖祖位奉玉幣

聖祖位酌獻

太廟

仁

宗室酌獻美成之樂舞一首太常寺省記得此一首係

徽宗皇帝御制今乞仍舊遵用

太祖室

太宗室

徽宗室酌獻圓壇

昊天上帝

皇地祇位奠玉幣

太祖皇帝

太宗皇帝位奠幣

昊天上帝

皇地祇

太祖皇帝

太宗皇帝位酌獻已上欲恭請御制

景靈宮行禮

景靈宮行禮

皇帝入門升殿降聖盥洗奉玉幣還位

奉饌酌獻文舞退武舞進亞終獻酌獻飲福徹豆送真

降殿望燎還大次

太廟行禮

皇帝入門升殿盥洗

迎神奉俎酌獻降殿入小次

文舞退武舞進亞獻酌

獻出小次飲福酒還位徹豆送神還大次

圓壇行禮

皇帝入中壇門降神盥洗升壇奠玉幣降壇還位奉

俎酌獻入小次文舞退武舞進亞終獻酌獻出小次飲

福酒徹豆送神望燎望瘞還大次

皇帝還內肆赦

升御座降御座已上欲下宰執學士院兩省官詔依